



XFTAP 17.07.41

Ж.Ә.Аймұхамбет

Л.Н.Гумилев атындағы Еуразия ұлттық университеті, Нұр-Сұлтан, Қазақстан
(E-mail a_zhanat@mail.ru)

Абай өлеңдері метапоэтика парадигмасында*

Аңдатта. Мақалада Абайдың ақындық болмысы мен суреткерлік шеберлігі, шыгармашыл тұлға ретіндегі даралығы метапоэтика парадигмасында қарастырылады.

Метапоэтиканың негізгі зерттеу бағыты көркем шыгармашылық табигаты, суреткердің шеберлігі, көркем туындының поэтикалық тілі екенідігі әдебиеттанушы галымдардың тұжырымдарына сүйене отырып зерделенеді. Шыгармашыл тұлғаны мәтін ішінен іздеуге, сөйтіп оның өзіндік болмысын айқындауға негізделетін метапоэтикалық талдау тың тұжырымдарға жол ашатыны белгілі. Осы мақсатта Абайдың ақындық болмысын, суреткерлік табигатын, эстетикалық пайымын таныту үшін өлең мәтіндеріне талдаулар жасалды. Ақынның сөз өнерінің мәні, қызметі, рухани-мәдени танымдалғы орны туралы ойын арқау еткен өлеңдерін мысалға ала отырып, оларды «поэтомологиялық өлең», «өлеңдегі теория»,

«теориялық өлең» ұғымдарымен сипаттау ұсынылады. Өлең мәтіндерін талдау барысында суреткер табигатын айшақтайдын шыгармашылық үдеріс, шабыт, ой мен сезім тогызы, эмоция мәселелері айтылады.

Түйін сөздер: метапоэтика, поэтомология, эстетика, шыгармашылық, сыйни пайым, шабыт, ой мен сезім.

DOI: [10.32523 / 2616-7174-2021-136-3-84-93](https://doi.org/10.32523/2616-7174-2021-136-3-84-93)

Kіріспе

Метапоэтика, метапоэзия, металирика, метамәтін, метафора, метаморфоза, метафора, метареализм – бұл аталған ұғымдар қазіргі әдебиеттанудағы зерттеу аспектілерінің маңызды бөлігінде айналған.

Филология және әдебиеттану аспектісінде «мета» ұғымымен берілетін бірқатар терминдер «ауыстыру», «түспалдау», «аңғарту», «өзгеру», «аралық» мағыналарының аясына топтасады.

Әдебиеттану парадигмасының жаңалықтармен толыгуының бір көрінісі метапоэтикамен байланысты.

Әуелі саяал: метапоэтика дегеніміз не?

Әдебиет зерттеушілерінің пікірлеріне жүгінсек, метапоэтика арнайы зерттеу аспектісі ретінде өзінің бастауын көне дәуірлерден алады. Автор мен шыгарма байланысын байыптағанда метапоэтикалық зерделеу маңызды орынға ие болмақ.

Метапоэтика – поэзияның есігін ашатын «қілт», шыгармашылық табигаты туралы ақындардың «өзінен», яғни туындысынан алынатын шынайы білім, мәтінмен сұхбат құрудың ең маңызды тәсілі. Метапоэтикалық талдаулар арқылы шыгармашылық жадта сақталған ұлт

тағдыры мен тарихын, мәдениетін, шығармашыл тұлғаның болмысын тануға жол ашылады.

«Метапоэтика – бұл метапоэтикалық мәтінге негізделген поэтика, немесе автордың мәтінге енгізген көркем мәтін туралы айқын және айқын емес коды; жеке метапоэтиканы қоса алғанда, философиялық және көркемдік жүктемелерді антиномиялық қатынаспен сипаттайтын жүйені қамтитын «ерекше мықты» гетерогенді жүйе; оның зерттеу объектісі – сөз өнері, нақты мақсаты – материалмен, тілмен жұмыс, әдістерді анықтау, шеберлік құпиясын ашу; оған объективтілік пен шынайылық тән; ол өзін құрделі тарихи дамушы жүйе ретінде танытады, ғылымның түрлі салаларымен тұрақты түрде тығыз байланыста болады», – дейді осы аспектіде бірқатар зерттеулер жүргізген ғалымдар К.Э.Штайн мен Д.И.Петренко [1, 8].

Суреткер туындалатын өнер – ең алдымен суреткерлік зерделеудің жемісі. Өйткені ол өзі нысананаға алған мәселені тани отырып таныту мақсатында әрекет етеді. Өзі әсерленген құбылысты, оқиғаны рецептиент қабылдауына жеткізу машақатты еңбекпен бірге, ең бастысы, ерекше талантты қажет ететін белгілі. Әдебиеттану парадигмаларының талаптары тұрғысынан келсек, көркем мәтіннің құллі құрылымдық қабаттары тікелей суреткер санасына, пайымына, көзқарасына, талдауына бағынышты.

«Кез келген көркем мәтін суреткердің өз туындысына көзқарасы туралы, әсіресе, сол материалға негіз болған сөз өнерінің негізі болып табылатын тілге қатысты деректерді қамтиды», – дейді тағы К.Э.Штайн мен Д.И.Петренко [1, 18]. Орыс поэзиясының үш ғасырлық даму тарихын пайымдауда іргелі зерттеулер жүргізіп, орыс метапоэтикасының төрт томдығын және әнциклопедиялық оқу анықтамалығын дайындаған бұл ғалымдардың құнды тұжырымдары – ұлттық поэзияның табиғатын метапоэтикалық тәсілмен терең танытуға болатындығын дәлелдеулері.

Ұлт тағдыры мен тарихы, ұлттық мәдениет, этноархаикалық мотивтер мен бейнелеулер, адам жаңының қат-қабат сырлары, болмыс қайшылығы мен жан дүниедегі тынымсыз арпалыс – Абай поэзиясының алтын өзегі. Ақынның ұлтымен бірге жасайтын өміршеш өлеңдерінің мәнін тани түсү үшін оны метапоэтикалық парадигмада айқындау әбден керек.

Сонымен, метапоэтикалық талдау бізге поэзияның сырын, сынын, астары мен тысын, тұтастай алғанда табиғатын ашып бермек.

Зерттеу әдістері

Нысанға алынған мәселені зерттеуде талдау, жинақтау, түсіндіру әдістері пайдаланылды.

Талқылау

Метапоэтикадағы нетізгі зерттеу нысаны жалпылай айтқанда, көркем шығармашылық, жекелей алғанда, суреткердің шеберлігі, шығарманың негізгі тіні – поэтикалық тілді шеберлікпен тұтынуы. Ақынды өз шығармасынан іздеу, сөйтіп оны таныту – метапоэтикалық талдаудың басты мақсаты. Біз осы бағытта Абайдың ақындық суреткерлік табиғатын тереңдей тани түсү үшін бірнеше өлеңіне арнайы тоқталмақпаз.

Абай өлеңге жоғары эстетикалық талғам, айрықша пайыммен келеді. Ақын шығармашылығында сөз өнерінің мәні, құдыреті, рухани-мәдени танымдағы ролі «Өлең – сөздің патшасы», «Біреудің кісісі өлсө қаралы – ол», «Сегізаяқ», «Мен жазбаймын өлеңді ермек үшін», «Өзтеге көңілім тоярысын», «Қуатты оттай бүркырап», «Адамның кейбір кездері», т.б. өлеңдеріне арқа болған. Өлеңді өнер деп тану ақынның «тіл өнері – дөртпен тең» көркем формуласында тұр.

Метапоэзия, металирика ұғымдары метамәтін шеңберінде айқындалатынын біз бұрынырақ өз мақаламызда айтып өткен болатынбыз [2, 196]. Бұл ұғымдар, сондай-ақ

метапоэтиканың ажырамас бөлігі екендігін есте сақтау қажет. Метапозия мен металирика туралы тұжырымдарға тоқталар болсак, «поэзиядағы поэзия» териминін Ф.Шлегель дәл осы Абай ғұмыр кешкен, өзінің өлең туралы толғамдарын өлеңмен өрнектеген XIX ғасырда ұсынады. Неміс романтизмінің белгілі теоретигі болған Шлегель «Поэзия суреткер рефлексиясы мен өзіндік ғажайып бейнелеуді біріктіре отырып, «поэзиядағы поэзия» бола алуы керектігін» айтады [3, 301]. Ежелгі дүние ақындарынан басталған «өлеңді өлеңде жырлау» – қазіргі біз айтып жүрген метапоэзияның жарқын үлгісі болмақ. Осы тұста «Поэмадағы теория және теория поэма ретінде» («Theorie im Gedicht und Theorie als Gedicht») деген Армин Пауль Франктың еңбегіндегі «өлең туралы өлеңді» «поэтологиялық өлең» деген терминмен ұсынуын қайталарап айта кетуге болады [4]. Соңдай-ақ Ева Мюллер-Цегтельманнның «Лирика және металирика» («Lyrik und Metalyrik») еңбегіндегі металирика туралы тұжырым да маңызды [5].

Әдебиеттің бастауы ауызша шығармашылық болғанын ескерсек, оның өнер түрі ретіндеғі бастапқы қызметі орындаушылық сипатта болды. Ауызша шығаруды жазу алмастырған соң да бұл орындаушылық қызмет жоғалып кеткен жоқ. Абай шығармашылығы осы ауызша және жазба шығармашылық тоғысқан XIX ғасырдың әдеби-көркем кеңістігіне тән. Ауызекі түрде дамып, тыңдарманға бағытталған шығармашылықтың «салмағы жеңілдеп», үстірт кететін тұстары Абайдың талғамына татымайтын еді. Өйткені өлеңге қойылар эстетикалық талаптар ауызша шығармашылықтан қатаң талап етілмеді. Ал, Абай көшбасшы болған үлттық поэзияның әлемдік көркем кеңістікке енүі биік талғам мен талап үрдісінен көріне білуінде болды. Тіл өнері, өлең сөз, үйлесім мәселесінде Абайдың шығармашылық санасын айқындаған сыни пайымның бір ұшығы сыншыл реализмге сабактасады.

XIX ғасырда өнер кеңістігіне енген сыншыл реализм бағыты, Ю.Борев атап көрсеткендей, «жалпыадамзаттық ғаламат мінездер тудырмайды, қайта психологиялық үдерістің өзегіне ендел кіре отырып, курделенген, өз бойына шындықты жинақтаушы тұлғаның рухани дүниесіне терендейді» [6, 318].

Шет ел әдебиетінде Бальзак, Стендалль, Диккенс, Толстой, Гоголь, Достоевский, Чехов сияқты ірі суреткерлер сыншыл реализм бағытының айшықты тұлғалары болса, осы есімдер қатарына үлттық әдебиетімізден Абай тұлғасы әбден лайық. Бұл бағыттың басты ұстанымы: жамандық атаулыға жамандықпен қарсы күреспеу, зорлық жасамау, өз-өзінді үнемі жетілдіру. Бұл ұстаным Абай шығармашылығында әлеуметтік, эстетикалық, философиялық тұрғыда орын алған. Сыни пайым, эстетикалық талап пен талғам Абайдың дәл осы XIX ғасыр шенберінде жазылған өлең туралы өлеңдерінен айқын көрінді. Абай тек сынни пайыммен шектеліп қалған жоқ, өз шығармашылығында өнердің, оның ішінде сөз өнерінің рух дүниесіне әсер етер құдыретін суреткерлік талантынмен, кеменгерлік пайымымен таныта білді.

Нәтижелер

Абайдың 1887 жылы жазылған «Өлең – сөздің патшасы» он бес шумақтан тұрады. Оның он шумағы өлең, оған қойылар талап, қазақ арасындағы өлеңге деген көзқарас туралы. Абай танымындағы өлең – «сөздің патшасы», «сөз сарасы». Оған қойылар талап та осал емес:

Өлең – сөздің патшасы, сөз сарасы,
Қыыннан қыыстырар ер данасы.
Тілге женіл, жүрекке жылы тиіп,
Теп-тегіс жұмыр келсін айналасы [7, 96]
Өлең сөзге жүйріктік – қазақ болмысына тән қасиет.
Қисынмен қызықты болмаса сөз,
Неге айтсын пайғамбар мен оны Алласы.
Өлеңге әркімнің-ақ бар таласы,

Сонда да солардың бар таңдамасы.
Іші алтын, сырты күміс сөз жақсысын
Қазақтың келістірер қай баласы?

Абай өлеңнің қасиетін кетіретін әрекеттерді сынға алады. «Қазақта өлең деген бір қадірсіз» болғанын «көр-жерді өлең еткен ақылсыз, надан ақындар», «қобыз бен домбыра алып, топта мақтау айтқандар», «әркімнен өлеңмен қайыр тілеп, сөз қадірін кетіргендер», «мал үшін тілін безегендер» арқылы көрсетеді.

Өлең сөздің биік өресін, терең мағынасын байыптағанда ғана оның сырьы мен сыны ашылмақ. Сондықтан да Абай «Сөз түзелді, тыңдаушы, сен де түзел» деп, ауызша/жазбаша шығармашылыққа сараптама жасай отырып, өлең өнерінің мән-мағынасын, ерекше табиғатын танытуға ұмтылды. Тыңдаушы демекші, шығармашыл тұлға өз өнімін тыңдарманға (ауызша шығармашылық, музыка өнері), оқырманға (жазбаша шығармашылық, әдебиет), көрерменге (сөүлет, мүсін, сахна, кескіндеме) ұсынады. Шығармашылық үдеріс осы мақсатта жүзеге асатыны заңдылық. Бұл сөзімізді бекіте тұсу үшін орыс қаламгері А.Толстойдың «шығармашылыққа қажетті екінші полюс – оқырман, егер жазғаныңызды ешкім оқымайтындей жағдайда тұрсаңыз, ештеңе жазбайсызы», –деген пікірін еске алайық [8, 63]. Кез келген өнер өнімі рухани тұтыну үшін қажеттігін ескерсек, Абай сын сарабына салып отырған мәселелердің маңызы ерекше екенін барынша түйсінеміз, түсінеміз.

Абай поэзиясындағы өлең туралы толғам-тұжырымдар тұтастай алғанда ұлы ақынның эстетикалық танымын, суреткерлік болмысын айқындаіт түседі. Ф.Шлегельдің «поэзиядағы поэзия» туралы ойын, Армин П.Франктің «поэмадағы теория», яки «теориялық поэмасын» еске алсақ, Абайдың «өлеңдегі теориясы» яғни «теориялық өлең» туралы батыл айтуға болады. Абай өлең сөздің теоретигі ретінде өлеңге қойылар көркемдік-эстетикалық талаптарды, оның сөз өнері ретінде қызметтің танытуда ең әуелі сынни бағытты ұстанады. Осы санаттағы тағы бір өлеңі – 1888 жылы жазылған «Біреудің кісісі өлсе қаралы – ол». Ақын алдыңғы өлеңіндегі сынни ойларын жалғастыра отырып, қазақ халқының өміріндегі өлеңнің орнын көрсетеді:

Тұғанда дүние есігін ашады өлең,
Өлеңмен жер қойнына кірер денен.
Өмірдегі қызығың бәрі өлеңмен,
Ойлансаншы, бос қақпай елең-селең [7, 103].

Қазақы тұрмыс-салтта адам өмірге келгеннен кеткенге дейінгі түрлі рәсімдер дерлік өлеңмен, жырмен, тіпті болмағанда мақамдап, мақалдап айтылар өрнекті сөзбен тығыз бірлікте орындалғаны белгілі. Ғүрыптық фольклор ұлғилері осының мысалы. Абайдың «Тұғанда дүние есігін ашады өлең // Өлеңмен жер қойнына кірер денен» дегені – осыны мегзегені.

Күйеу келтір, қыз ұзат, тоғынды қыл,
Қыз таныстыр – қызыққа жұрт ыржанышыл.
Қынаменде, жар-жар мен беташар бар,
Өлеңсіз солар қызық бола ма гұл?
Ақын атап-түстеген бұл ұлғилер тұрмыс-салт жырларының ерекше орын алатын түрлері.
Өлең деген – әр сөздің ұнасымы,
Сөз қосарлық орайлы жарасымы,
Сөзі тәтті, мағынасы тұзу келсе,
Оған кімнің ұнасар таласуы?

Бұл жолдар алдыңғы өлеңдегі «тілге жеңіл, жүрекке жылы тиетін» «іші алтын, сырты күміс сөз жақсысын» талап еткен талғамды әрі қарай бекіте түседі. Ақынның бұл екі өлеңі «өлең деген не?» деген маңызды сұраққа жауап беретін «өлеңдегі теория» яғни «теориялық өлең» деп пайымдасақ болады. Өлеңнің қадір-қасиетін саралап, айқындаудағы мақсат не? Ақын ол сауалға

былай жауап береді:

Мақсұтым – тіл ұстартып, өнер шашпак,
Наданның көзін қойып, көнілін ашпақ.
Улгі алсын деймін ойлы жас жігіттер,
Думан-сауық ойда жоқ әуел баста-ақ.

Осы 1888 жылы жазылған жазылған «Мен жазбаймын өлеңді ермек үшін» деп басталатын өлеңінде ақын алдыңғы өлеңдегі ойын ары қарай тарқата түсіндіреді. Өлеңдегі үйлесім, мағына мен мазмұн, әдеп туралы айта келіп, тағы да сини пайымын ұсынады. Өлеңнің сыр-сипатын түсіндірудегі мақсатын «ойлы жасқа» айтылған өсiet, көрсетілген өнеге деп түсіндіреді:

Көкіреті сезімді, тілі орамды
Жаздым үлгі жастарға бермек үшін.
Бұл сөзді тасыр ұқпас, талапты үгар,
Көнілінің көзі ашық сергегі үшін [7, 134].

«Өлең –сөздің патшасы», «Біреудің кісісі өлсе...», «Мен жазбаймын өлеңді ермек үшін» – бұл үш туынды Абайдың өлең туралы тұжырымдарын, сини- эстетикалық пайымын поэзия тілімен түсіндіруі. Ақын өлең туралы поэтикалық пайымды «тасыр//талапты» оппозициясында талқыға сала отырып, «көкіреті сезімді», «тілі орамды», «ойлы» «тыңдарманға «надан», «білімсіз бейшара», «ақынның» емес, «қыыннан қыстырырап ер данасының» «іші алтын», «сырты күміс» сөзін үлгі етеді.

Абайдың өлең, сөз өнері туралы пайым-пікірін танытатын туындыларына тоқтала келе, академик З.Ахметов былай дейді: «Абайдың орасан зор тарихи еңбегі мынада: ол жаңа заман қазақ әдебиетінің алдына жаңа міндеттер қоятынын жақсы түсінді, үлттық әдебиетті жаңа дәүірдің тілек-талаптарына сәйкес жаңғырту қажеттігін ерекше көрегендікпен сезе білді және де бұл іске өз таланттының бар күшімен қызмет етті» [9, 330]. Үлттық поэзияны әлемдік деңгейге көтерген ұлы ақынның ерен еңбегі туралы бұл ақиқат қазақ өлеңнің биік эстетикалық талапқа сай дамуынан айқын аңғарылады. Өйткені ұлт поэзиясының шамшырағы Абай өлеңі, Абай тағымы болды.

Өлеңнің сөз өнері ретінде мән-мағынасын осылайша түсіндірген ақын, енді сол өлең өнерінің құдырытін суреткер ретінде қалай сезінді деген сауалға жауапты «Сегізаяқ», «Адамның кейбір кездері» өлеңдерінен табамыз. Шығармашыл тұлғаның болмысын даралайтын талант кемелдігі мен эстетикалық жоғары талғам бұл өлеңдерден барынша айқын аңғарылады (әрине, бұл сипат басқа да өлеңдерге тән). «Суреткердің кеменгерлігі әлемді қабылдауының күш-куатынан да, адамзатқа әсер ету тереңдігінен де көрінеді» [6,92], – деген Ю.Борев пайымына салсак, ақын өлеңдеріндеңі эстетикалық таным және көркемдік қуат поэтикалық озық дәстүрді өткен шақтан қабылдалап, болашаққа жалғаған, сөйтіп бағзыға да, келешекке де тиесілі болған шығармашыл тұлғаның кеменгерлік биігін айғақтай түседі.

Көркем шығармашылық – тылсымға толы дүние. Өзіндік сезінуі, қабылдауы, әсерленуі, қорытуы бар ерекше бір әлем. Өнер атаулының тәжі деп бағаланатын сөз өнерінің мүмкіндігі шексіз, құдырыті бөлек. Абай оны 1888 жылы жазылған «Сегіз аяқ» атты өлеңнің кіріспесінде:

Алыстан сермеп, Жүректен тербеп,
Шымырлап бойға жайылған,
Қиуадан шауып,
Қисынын тауып,
Тағыны жетіп қайырған –
Толғауы тоқсан қызыл тіл...
Өткірдің жүзі,
Кестенің бізі

Өрнегін сендей сала алмас [7, 125], – деген бейнелеулермен айрықша әсерлі, шыныай жеткізеді. Абайдың көркемдік санасын айшықтап түратын ұлттық реңк «толғауы тоқсан қызыл тілдің» ерекше қызметін «тағыны жетіп қайырған» саятшының әрекетімен ұқсастыра бейнелеуінен айрықша көрінеді. Бұл бейнелеу сөз өнерінің – «толғауы тоқсан қызыл тілдің» алымдылығы мен шалымдылығын, жүйріктігін қапысыз жеткізуіндік кілті болып тұр.

Ахмет Байтұрсынұлы атап көрсеткен көрнек өнері түрлерінің табиғатына назар аударайықшы. Сәulet өнерінің ғажайып сипаты, кескін өнерінің сиқырлы бояуы, мұсін өнерінің тылсым қатпары, музыка өнерінің терең иірімі – осының барлығын баяндаған жеткізетін сөз өнерінің сан қырлы табиғаты, теңдессіз мүмкіндігі Абай айтқандай, «шымырлап бойға жайылған» қалпымен асқақтай түседі.

А.Байтұрсынұлы сөз өнеріне ерекше мәртебе бере отырып: «Қандай сәулетті сарай болсын, қандай сымбатты я кескінді сүгіреттер болсын, қандай әдемі ән-қүй болсын – сөзбен сөйлеп, сүгіреттеп көрсетуге, танытуға болады. Бұл өзге өнердің қолынан келмейді» [10,151], – десе, біз бұл аксиомата сөзсіз қол қоямыз. Тасты қашап, мұсін жасаған өнер иесінің сезінгенін, түйсінгенін басқа ешкім біле алмайды. Сол сияқты көңіл пернесін басып, қылын қозғаған әуенде музыкант қалай шығарады – оны да басқа жан білмейді. Сол сияқты ақын өзі сезініп, түйсінген жағдаятты қалайша шумаққа, бунаққа, үйқасқа қалыптап, ерекше бір түрмен жарыққа шығарады – ол ақынның өзі ғана сезінегер тылсым құбылыс. Мұсіннің, әуеннің, өлеңнің туындауында айрықша рөл атқаратын шабыт ерекше әсерленуден бастау алыш, сол ерекше, сирек әсерді жадқа тұтып, ассоциативті ойлау көметімен көркем дүниені ұсынады. Өнер – ассоциациялы ойлаудың өнімі. Абайдың «Адамның кейбір кездері» (1896 ж.) өлеңі шығармашылық табиғатын, шабыт шарасында буырқанған тұлғаның халін бейнелегендеге хас суреткерге тән ассоциациялаудың тамаша үлгісін танытады.

Адамның кейбір кездері
Көнілде алаң басылса;
Тәңірінің берген өнері
Көк бұлттан ашылса.
Сылдырап өңкей келісім
Тас бұлақтың суынданай,
Кірлеген жүрек өзі үшін

Тұра алмас әсте жуынбай [7, 296] –деген шумақтарда адам жанындағы сезім құбылысын, көңіл қалпын табиғат құбылыстарымен астастыра, үндестіре суреттеу тұр. «Көнілде алаңның басылуы// Көктің бұлттан ашылуы» – жан дүние халін табиғаттың бұлттан ашылған жайдары сәтімен ұқсастырудың мысалы. «Тас бұлақтың суындандырылған келісімнің» жанға сыйлар ләззаты «кірлеген жүректің еріксіз жуынумен» сабактастырылады. Ақынның өзі ғана сезінегер ерекше тылсым хәлді Абай:

Тәңірінің күні жарқырап,
Ұйқыдан көніл ашар көз.
Қуатты ойдан бас құрап,

Еркеленіп шығар сөз, – деп бейнелейді. Ақынның көргені мен сезгенін таразыға салып толғануы «ызалы жүрек, долы қол // улы сия, аңы тіл» жазған дүниеге тән. Бұл өлеңде ақын кешер күй мен «қуатты ойдан еркеленіп шықкан сөзді» бейнелеген суреткерлік шеберлік шырқау биікке көтерілген.

Ақынның 1898 жылы жазылған жазылған өлеңінде:

Қуатты оттай бүркырап,
Үззінге өлшеп тізілген.
Жаңбырлы жайдай сырқырап

Көк бұлттан үзілген [7,334] – деген бейнелі жолдар бар. Өлең табиғаты «көк бұлтан

үзілген жаңбырлы жайдай», «қуатты оттай бұрқырап, өлеңге өлшеп тізілген» теңеулерімен айқындала түсken. «Ақыл мен қайратты жүрекке жүгіндірген» ақын «ынталы жүрек сезген сөз бар тамырды қуалар», – дейді. Өлеңнің жүректен туу мезетін көк бұлттың ашылуымен, жаңбыр болып жаууымен үндестірудің негізінде шабыттың буырқанған, шалқыған қалпын жеткізу жатыр. Жүректегі буырқанған бұлқынысты «қуатты ойдан бас қураған», «қуатты оттай бұрқыраған» деп, «қуат» сөзін қайталай қолдануы жай емес. Шабытқа серпін беретін осы «қуатты» ой, ақын өлеңдерінің көркемдік қуатын арттыра түсken.

Шығармашыл тұлғаны ой тереңіне батырып, сезім иіріміне тартатын тылсым хәлдің өнер туындысын дүниеге келтірудегі ықпалы айрықша. Бір құбылысты екінші бір құбылыспен салыстыра отырып, тың бейнелеуді тудыру суреткердің құпияға толы болмысына тиесілі. Көркем бейнелеудің тамыры эмоцияға барып тірелетінін ескерсек, шығармашылық иесінің қабылдауы мен әсерленуі тоғысқан өлеңнің өзетінде ой мен сезімнің ажырамас бірлігі жатқанына ден қоямыз. Абайдың «Өзгеге көнілім тоярсың» (1890 ж.) деп басталатын өлеңіндегі:

Өзгеге көнілім тоярсың,
Өлеңді қайтіп қоярсың.
Оны айтқанда толғанып,
Іштегі дерпті жоярсың.
Сайра да сайра, қызыл тіл,
Қара көнілім оянсың,
Жыласын, көзден жас ақсын,

Омырауым боялсын [7, 181], – деген жолдар сезімтал, әсерленгіш көнілді жұбатар, жандысергітер, іштегі дертінен айықтыrap өлең сөздің құдыретіне иландыра түседі.

Қорытынды

Поэзияны метапоэтика парадигмасында қарастыру үшін Абайдың «Өлең – сөздің патшасы», «Біреудің кісісі өлсе қаралы – ол», «Мен жазбаймын өлеңді ермек үшін», «Сегізаяқ», «Адамның кейбір кездері», «Куатты оттай бұрқырап» өлеңдерін талдау нысанына ала отырып, нақты тұжырымдарға қол жеткізуге тырыстық.

Метапоэтикалық зерттеу көркем шығармашылық табиғатын, оның ішінде суреткердің шеберлігін, мәтін құрылымындағы шығармашыл тұлға болмысының танытуды мақсат ететінін мақала кіріспесінде айтып өткенбіз. Сол мақсатқа жету үшін ақындық қуат, сөз құдыреті, шығармашылық үдеріс, шабыт, ой мен сезім бірлігі зерделенді.

Абай өлеңдері мәтіндерін мтеапоэтикалық аспектіде қарастыра келе мынадай тұжырымдарға қол жеткіздік:

– Абайдың «Өлең – сөздің патшасы», «Біреудің кісісі өлсе қаралы – ол», «Мен жазбаймын өлеңді ермек үшін» өлеңдері «поэтологиялық өлең» деген терминмен сипатталады және жаңашыл зерттеулерде әдебиеттанушылар атап- түстеген «өлеңдегі теория» немесе «теориялық өлең» болып табылады;

– «Сегізаяқ», «Адамның кейбір кездері», «Куатты оттай бұрқырап», «Өзгеге көнілім тоярсың» өлеңдерінде шығармашыл тұлғаның өнер туындысын дүниеге әкелу процесі бейнеленіп, ақын мен өлеңнің тылсым байланысы айшықталып, шабыт сырьы, ой мен сезім тоғысы өрнектеліп, суреткөр болмысын барынша танытады.

Ұлттық поэзияны көркемдік-эстетикалық тұрғыда биікке көтерген ұлы Абайдың өлеңдері зерттеудің түрлі аспектінде жаңа қырымен ашылып отыратына құнды мұра екеніне осы мақаладағы талдаулар мен тұжырымдар дәлел болмақ.

Әдебиеттер тізімі

1. Штайн К.Э., Петренко Д.И. Метапоэтика. Поэты исследуют русскую поэзию: Монография. – Ростов-на-Дону: ИП Попов К.Р. «Полиграф-Сервис», 2018. – 534 с.
2. Аймұхамбет Ж., Айтұғанова С. Әдебиеттану аспектіндегі метамәтін түсініктемесі. Еуразия гуманитарлық институтының хабаршысы. №4, 2017. – 195-199 бб.
3. Шлегель Ф. Эстетика. Философия. Критика. В 2-х тт. Т 1. – Москва: Искусство, 1983. – 480 стр.
4. Armin P. Frank. Theorie im Gedicht und Theorie als Gedicht. Literaturwissenschaft zwischen Extremen: Aufsätze und Ansätze zu aktuellen Fragen einer unsicher gemachten Disziplin. – Berlin, New York, 1977, pp. 131-169
5. Müller-Zettelmann E. Lyrik und Metalyrik. Theorie einer Gattung und einer Selbstbespiegelung anhand von Beispielen aus der englisch-und deutschsprachigen Dichtkunst. – Heidelberg, 2000, p. 170.
6. Борев Ю. Эстетика. Аударғандар: Ә.Бөлеканова, Қ.Аманжол. Алматы: «Ұлттық аударма бюросы» қоғамдық қоры, 2020. – 408 б.
7. Абай. Шығармаларының академиялық толық жинағы. Үш томдық. 1-том. Алматы: «Жазушы» баспасы, 2020. – 640 б.
8. Толстой А.Н. Собрание сочинений. В 10 т. Т.10. Москва: Художественная литература, 1982. – 760 с.
9. Ахметов З. Поэзия шыңы – даналық. Астана: Фолиант, 2002. – 408 б.
10. Байтұрсынұлы А. Алты томдық шығармалар жинағы. 1-том. Алматы: «Ел-шежіре», 2013. – 384 б.

Zh.A.Aimukhambet

L.N. Gumilyov Eurasian National University, Nur-Sultan, Kazakhstan

Abai's poems in the paradigm of metapoetics

Abstract. The article examines Abai's poetic nature and literary skills, his individuality as a creative person in the paradigm of metapoetics.

The nature of literary creativity, the mastery of the poet, the poetic language of his literary works were studied on the basis of conclusions of literary scholars as the main research directions of metapoetics. It is general knowledge that metapoetic analysis, based on the search for a creative personality in the text and thereby determining its identity, opens the way to new conclusions. In this context, there were analyzed Abai's poetic texts, characterizing his poetic nature, literary nature and aesthetic vision. Using the example of the poet's poems, which represent the idea of the essence, function of the art of words, their place in the spiritual and cultural knowledge, it is proposed to characterize them with the concepts "poetological poem", "theory in a poem" and "theoretical poem". In the process of analyzing poetic texts, the author highlights the issues of the creative process, inspiration, interweaving of thoughts and feelings, emotions that reflect the nature of the artist.

Keywords: metapoetics, poetology, aesthetics, creativity, critical thinking, inspiration, thoughts and feelings.

Ж.А.Аймухамбет

Евразийский национальный университет им.Л.Н.Гумилева, Нур-Султан, Казахстан

Стихи Абая в парадигме метопоэтики

Аннотация. В статье рассматриваются поэтическая природа и художественное мастерство Абая, его индивидуальность как творческой личности в парадигме метапоэтики.

Характер художественного творчества, мастерство поэта, поэтический язык художественного произведения были изучены на основе выводов ученых-литературоведов как основные исследовательские направления метапоэтики. Известно, что метапоэтический анализ, основанный на поиске творческой личности в тексте и тем самым на определении ее самобытности, открывает путь к новым выводам. В данном контексте были проанализированы поэтические тексты Абая, характеризующие его поэтическую натуру, художественную природу и эстетическое видение. Стихотворения поэта, представляющие мысли о сути, функции искусства слова, его месте в духовно-культурном познании, предлагается охарактеризовать с помощью понятий «поэтологическое стихотворение», «теория в стихотворении», «теоретическое стихотворение». В процессе анализа стихотворных текстов освещаются вопросы творческого процесса, вдохновения, переплетения мыслей и чувств, эмоций, которые отражают природу художника.

Ключевые слова: метапоэтика, поэтология, эстетика, творчество, критическое мышление, вдохновение, мысли и чувства.

References

1. Shtayn K.E., Petrenko D.I. Metapoetika. Poetry issleduyut russkuyu poeziyu: Monografiya [Metapoetics. The poet studies Russian poetry: a monograph]. – Rostov-na-Donu: IP Popov K.R. «Poligraf-Servis», 2018. – 534 s.
2. Aimuhambet ZH., Aitufanova S. Өдебиеттанаң аспектисиндеғи метаматин түсніктемесі. Еуразия гуманитарлық институттың хабаршысы [Meta-text interpretation in the aspect of Literary Studies. Bulletin of the Eurasian humanitarian Institute]. №4, 2017. –195-199 bb.
3. Shlegel' F. Estetika. Filosofiya. Kritika [Aesthetics. Philosophy. Criticism]. V 2-h tt. T 1. – Moskva: Iskusstvo, 1983. – 480 str.
4. Armin P. Frank. Theorie im Gedicht und Theorie als Gedicht. Literaturwissenschaft zwischen Extremen: Aufsätze und Ansätze zu aktuellen Fragen einer unsicher gemachten Disziplin. – Berlin, New York, 1977, p. 131-169
5. Müller-Zettelmann E. Lyrik und Metalyrik. Theorie einer Gattung und einer Selbstbespiegelung anhand von Beispielen aus der englisch-und deutschsprachigen Dichtkunst. – Heidelberg, 2000, p. 170.
6. Borev Yu. Estetika [Aesthetics]. Audarrandar: A.Bopezhanova, K.Amanzhol. Almaty: «Ultyk audarma byurosy» kogamdyk kory, 2020. – 408 b.
7. Abai. SHygarmalarynyng akademiyalyk tolyk zhinagy. Ush tomdyk. 1-tom [Academic complete collection of his works. In three volumes. Volume 1] Almaty: «ZHazushy» baspasy, 2020. – 640 b.
8. Tolstoi A.N. Sobranie sochinienij [The collection of socineny]. V 10 t. T.10. Moskva: Hudozhestvennaya literatura, 1982. – 760 s.
9. Ahmetov Z. Poeziya shyngy – danalyk [The peak of poetry is wisdom]. Astana: Foliant, 2002. – 408 b.
10. Baitursynuly A. Alty tomdyk shygarmalar zhinagy [Collection of works in six volumes]. 1-tom. Almaty: «El- shezhire», 2013. – 384 b.

Автор туралы мәлімет

Аймұхамбет Жанат Әскербекқызы – филология ғылымдарының докторы, қазақ әдебиеті кафедрасының профессоры, Л.Н. Гумилев атындағы Еуразия ұлттық университеті, Нұр-Сұлтан, Қазақстан.

Aimukhambet Zhanat Askerbekkyzy – Doctor of Philology, Professor of the Department of Kazakh Literature, L.N. Gumilyov Eurasian National University, Nur- Sultan, Kazakhstan.